

gankt als schier tag als gegen dem auffganc / aber das
ist nit war. So aber das erdtrich eben schlecht were von
nitternacht in mittentag / vnd herwiderumb / die stern
die alweg einē ansychtig sein / die erschienen ihm alle zeyt
wohin er gieng / vnd das ist aber falsch. Das aber dz erd
rich vns schlecht erscheinet / das macht alleyn sein vber
ge groß in dem gesycht der menschen.

Cap vi

Von der ründe des wassers.



Das aber das wasser sei auffgeplossen / vnd neyge sych
zū der runden / des zeychen nemen wir also. Wann setze
ein zil an des meres vffer / oder an das gestat / vnd gehe
ein schiff von dem zil / das schiff mag als fern in dz me
re treten / das cynes menschen aug vndē bei dem mast
baum / das zil an dem vfer oder gestat nit sehen mag /
Also das schiff stund / das auge des menschen oben inn
der höhe des mastbaums mag wol sehen dasselbig zil /
vnd selt doch das vnder aug bei dem mastbaum bas se
hen das zil dan das oberst. Das do offēbar ist durch dye
linien gezogen von beyden augen zū dem zil / das mag e
kein ander vrsach sein / dan die ründe des wassers / auß
ge